



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 91/8961

< 12 > 05 2023թ.

**Միշա Սիսանկի Սիմոնյանին
Հասցե՝ Շիրակի մ., գ. Ազատան, 38 փ., 8 տ.**

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում թիվ 8180197076 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ << 3 >> թերթ:

**Պերի պարտականությունների ժամանակավոր կապարտող,
ոստիկանության գնդապետ՝**

Ա.Մաթևոսյան

Կատ. է. Ասատրյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 05.05.2023թ-ին կայացված թիվ 8180197076 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 12 >> մայիս 2023թ.

ք. Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյանս, վերանայելով Միշա Սիսակի Ենգոյանի (Այսուհետ՝ դիմող) 11.05.2023թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

05.05.2023թ.-ին՝ ժամը 12:25-ի սահմաններում Շիրակի մարզի Աշոցք գյուղի 1-ին փողոցում դիմողի վարած «Վագ» մակնիշի 37 RG 855 հաշվառման համարանիշի տրանսպորտային միջոցի տեխնիկական վիճակի գննություն անցած չլինելու փաստը արտացոլվել է պարեկային ծառայության դյուրակիր համակարգչի ծրագրում, ինչի հետևանքով ՀՀ ՆԳՆ ոստիկանության պարեկային ծառայության Շիրակի մարզի գումարտակի 2-րդ վաշտի 1-ին դասակի ավագ պարեկ Դավիթ Սիմոնյանի /կրճառանշան 10356/ կողմից վարորդի նկատմամբ «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կազմվել է վարչական իրավախախտման վերաբերյալ արձանագրություն և կայացվել թիվ 8180197076 որոշումը՝ վերջինիս 20.000 ՀՀ դրամի չափով տուգանելու մասին:

11.05.2023թ-ին ՀՀ ՆԳՆ ոստիկանության պարեկային ծառայություն ստացված դիմումով դիմողը խնդրել է չեղյալ համարել ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 05.05.2023թ. կայացված թիվ 8180197076 որոշումը՝ մասնավորապես նշելով, որ տրանսպորտային միջոցն անցել է տեխնիկական գննություն նախկին հաշվառման համարանիշներով և ներկայացրել է տրանսպորտային միջոցի տեխնիկական վիճակի գննության արատորոշման քարտի պատճեն:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ 05.05.2023թ-ին կայացված թիվ 8180197076 վարչական ակտը ենթակա է բեկանման հետևյալ պատճառաբանությամբ՝

Պարեկային ծառայողի պարզաբանման համաձայն՝ Միշա Սիսակի Ենգոյանի կողմից թույլ տրված իրավախախտումը՝ վերջինիս կողմից «Վազ» մականիշի 37 RG 855 հաշվառման համարանիշի տրանսպորտային միջոցն առանց օրենսդրությամբ սահմանված կարգով տեխնիկական վիճակի զննություն անցած չլինելու փաստն արտացոլվել է դյուրակիր համակարգչում առկա ծրագրում, որի արդյունքում էլ կայացվել է համապատասխան որոշումը:

Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելն առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քանապատիկի չափով:

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական զննության:

Նույն օրենքի 15-րդ հոդվածի 3-րդ մասի համաձայն՝ թողարկման տարեթվից հաշված՝ 4-ից ավելի, ներառյալ՝ 10 տարվա արտադրության թեթև մարդատար ավտոմոբիլներ, բեռնատար տրանսպորտային միջոցներ, ուղևորի մինչև 8 նստատեղ ունեցող բեռնաուղևորատար տրանսպորտային միջոցներ, կցորդներ (կիսակցորդներ), մոտոցիկլեր (բացառությամբ սույն մասի 2-րդ կետով նախատեսված տրանսպորտային միջոցների)՝ 2 տարին մեկ անգամ:

Քաղաքացու կողմից ներկայացված արատորոշման քարտի պատճենի ուսումնասիրությունից պարզվում է, որ «Վազ» մականիշի 37 PX 739 հաշվառման համարանիշի, թափքի համարի **0310065** տրանսպորտային միջոցը 13.06.2022թ.-ին «Ավտոպոստ» ՍՊԸ-ում անցել է տեխնիկական վիճակի զննություն՝ 1 տարի ժամկետով:

ՀՀ ՆԳՆ ոստիկանության ՃՈ էլեկտրոնային ռեգիստրից կատարված քաղվածքների համաձայն՝ «Վազ» մականիշի 35 RG 855 հաշվառման համարանիշի թափքի համարի **0310065** տրանսպորտային միջոցի վրա նախկինում տեղադրված են եղել 35 PX 739 հաշվառման համարանիշերը: Կատարվել է տրանսպորտային միջոցի հաշվառման համարանիշի փոփոխություն, և տրանսպորտային միջոցի վրա տեղադրվել են 35 PX 379 հաշվառման համարանիշերը:

Հայաստանի Հանրապետության Կառավարություն 2021 թվականի սեպտեմբերի 24-ի թիվ 1565-Ն որոշման հավելվածի 19-րդ կետի համաձայն՝ արատորոշման քարտի գործողության ժամկետում տրանսպորտային միջոցի սեփականատիրոջ փոփոխության դեպքում տվյալ արատորոշման քարտը պահպանում է գործողության ժամկետը:

Վերոգրյալից հետևում է, որ 05.05.2023թ.-ին՝ ժամը 12:25-ի սահմաններում դիմողն իր տրանսպորտային միջոցը վարել է տրանսպորտային միջոցի տեխնիկական վիճակի զննություն անցած լինելով, որը գործողության մեջ է 13.06.2022թ.-ից 1 տարի ժամկետով:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության հանգամանքների առկայության դեպքում:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 05.05.2023թ. կայացված թիվ 8180197076 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Շիրակի մարզի գումարտակ:

**Պետի պարտականությունների
ժամանակավոր կատարող,
ոստիկանության գնդապետ՝**



Ա. Մաթևոսյան